



सानसेयारि **“बड'सा”** ख्रीर्लाइयाव
खमाजयारि जिज्जो लोब्बा थानाय रायथाय, खन्थाय,
खल', खल'बाथा आबो दावबायारि थावनि, पार्क
बाइदिनि सायाव लिन्नाय लिन्दिबां दैथाय डर/
खानसेयारि **“बड'सा”** ख्रीर्लाइया सेबखानाबै
फोसावगोन/
बड'सायाव लिन्नायनि हुदा खालाम,
“बड'सा” ख्री नोथां, जो बयबो आंगो खालाम/
सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Monday ★ 8 September, 2025 Kokrajhar, BTC, Assam ★ Vol.-35, Issue No.165 ★ R.N.I.Regd.No.40994/91, AssamGovt.Regd.No.IPRD.40/2006/3, Rs.8/-

गोबासिन फोसाइथायनि
थाखाय स्केन खालाम

गोदान भारतनि गोदान खादी

2.00 कौटि सुबुंफोरनो के भि आइ सि या

फसंथाय होगसिनो दं

सोलायनायनि थाखाय खादि

VOCAL FOR HATBAI
बसो जयबा

38 नं भैरबकुन्ड बियाबआव सा 72,233 भटारफोरा सा 3 हेभिवेइट बिजाथिफोरखौ सायख 'नो साखा-फारा

उदालगुरि, 7 सेप्टेम्बर: फैगौ 5 थि बिटिसि बिसायख 'थिया खुंजानो थाखाय गेजेराव 2 सप्ताहल' सम दंसै। बे समआवनो बिटिआरनि गुबुन-गुबुन ओन्सोलफोराव बिसायख 'थियारि दुंहाव बार बारनो जागायजेन्नायखौ नुनो मोन्दों। उदालगुरि जिल्लानि गुबुन-गुबुन ओन्सोलफोरावबो गुबुन-गुबुन राजखान्थि दोलोफोरनि बिसायख 'थियारि



फोसावदिनाय हाबाफारिखौ गोखोंनिफ्राय गोखोंसिन खालामनायखौ नुनो मोनो। बेनि

गसाइगाव ब्रह्म सेवास्त्रमआव गथ 'सा बिसम्बि बिजाब बेखेवदों



गसाइगाव, 7 सेप्टेम्बर: ग'साइगाव ब्रह्म सेवास्त्रम गुरुदेब कालिचरन ब्रह्म ट्राष्टनि बान्जायनाय आरो हाइनामुलि, ग'साइगाव बि.एड. कलेजनि हेफाजाबजों जथायै बिजाब बेखेवनाय फोर्बों खुंफुंदों। बे फोर्बोंआव ई 2020 माइथायाव साहित्य अकादेमी बान्था आजावनो हानाय मानगोनो ड अजित बर 'नि "गथ 'सा बिसम्बि"

बिजाबखौ असमीया रावआव राव सोलायनायखौ बेखेवो। मिथिहोनाय जायोदि, "गथ 'सा बिसम्बि" बिजाबखौ "शिशु स्मरनिका" मुं होनानै मुस्त्रि बिस्वनाथ नाजॉरि बिथांड असमीया रावआव राव सोलायदों। हाबाफारियाव हांखायजानाय गाहाइ आलासिजों लोगोसे ग'साइगाव हालामनि (□ 6 बिलाइआव)



हादों। बियाबआव गाहायै बि जे पि - बि पि ए फ - इउपिपिएलनि गेजेराव 3 खनायारि बादायलायगोनखौ रोखा नुजाथिदों। बियाबनिफ्राय बिपिएफ दोलोनि जानानै आसामनि मोनसे समनि मन्थि

रिहन दैमारिआ बिसायख 'थि बादायनो ओंखारदों। 2001 माइथायनिफ्रायनो उदालगुरि बियाबखौ दख 'ल खालामनानै लाबोनो हानाय दैमारिआ थांनाय 2021 माइथायनि बिधान सभा बिसायख 'थियाव इउपिपिएलनि बिजाथि गबिन्द बसुमतारिजों जेन्नो गोनां जादोंमोन। जाहोनाव बारग' मन्थिआ बे समआव बिटिसि बिसायख 'थियाव भैरबकुन्ड बियाबनिफ्राय बिसायख 'थि गेलोनो साखा-फारा जादों। बे खेबआव बारग' मन्थिआ गावनि (□ 6 बिलाइआव)

मुसलपुरआव इउपिपिएलनि गेदेरथार थांखि मेल बिटिसिनि गाहाइ मावफुं सोद्रोमा प्रमद बर'आ बाहागो लादों



मुसलपुर, 7 सेप्टेम्बर: सोलिफु दाननि फैगौ 22 सेप्टेम्बरखालि बिटिसि बिसायख 'थिआ खुं'फु'जासिगोन। बे बिसायख 'थिखौ नोजोर होनानै

नुनो मोन्नाय जादों। बाक्सा जिल्लानि सिडव थांनाय 25 नं बागानपार, 24 नं. मुसलपुर, 23 नं. दिहिरा आरो 22 नं. कक्लाबारि बियाबाव बिसायख 'थि फोसावदिनाय मेलान गाहाइ मावफुं सोद्रोमा प्रमद बर'आ बाहागो लाफेदों। बिसायख 'थि फोसावदिनाय एबा थांखि मेलनिफ्रायनो बिथांड देरहानाया रोखा होन्ना बुडो। मेलान गाहाइ मावफुं सोद्रोमा बर'आ मख 'दोंदि, आगुनिफ्राय बोखाव जायै बाक्सा जिल्लायाव (□ 6 बिलाइआव)

सा 12 फोरोंगिरिफोरजों लोगोसे सा 208 आजिरा मोन्नाय फोरोंगिरिफोरखौ मान बाउदों

उदालगुरि, 7 सेप्टेम्बर: उदालगुरि जिल्लानि सोलोंथाइ बिफाननि बान्जायनायाव सानसेनि मेहेर गोनां हाबाफारिनि गेजेरजों रौता सारिआलिनि बि अ इ सि सि सि नि अडिट 'रियामआव जिल्लायायि थाखोंनि फोरोंगिरि सान हाबाफारि खुंनाय जायो। बे हाबाफारिजों लोब्बा लाखिनानै जिल्लानि सा 12 जाफुंसार फोरोंगिरिफोरजों लोगोसे सा 208 आजिरा मोन्नाय



फोरोंगिरिफोरखौ मान बाउनाय जायो। उदालगुरि जिल्लानि फरायसालि नायसंगिरि भवेन देउरनि मासि सामलायनायाव खुं'नाय फोरोंगिरि साननि हाबाफारियाव गाहाइ आलासि महैर बाहागो लानानै उदालगुरि फरायसालिमान बारग' गोरयुं ड लुक दैमारिआ बेसेनगोसा बिबुंथि लाखियो। ड लुक दैमारिआ फोरोंगिरि साननि बिफाव एबा फोरोंगिरिफोरनि (□ 6 बिलाइआव)

सांघ्रां जा! गुवाहाटीआव सिखावफोरा 20 लाखनिफ्रायबो बासिन स'ना-रुफा खावदों

गुवाहाटी, 7 सेप्टेम्बर: राजथावनि गुवाहाटी नोगोस्मायाव फिन सोमोनांथाव दाखाथिनि जाथाय जानायनि खोंरं मोन्नाय जादों। दिसपुर थानानिफ्राय से खावसे किल 'मिटर जान्थायवनो मोनसे सोमोनांथाव दाखाथि जाथाय (□ 6 बिलाइआव)

उदालगुरि, बाक्सा, तामुलपुरआव बिपिएफआ लाथिख 'मासि मोनगोन: उर्खाव गोरा ब्रह्म बड'लेण्डनि अखांआव बिपिएफ आरो इउपिपिएलनि हेलिकप्टारनि हाद्रि गुफुंदों

कक्राझार, 7 सेप्टेम्बर: बिटिसि बिसायख 'थिनि समआ खाथिनिफ्राय खाथिसिन फैनाय लोगो-लोगोनो बड'लेण्डआव दिनैनिफ्रायनो बिपिएफ आरो इउपिपिएल दोलोनि गोखोंनिफ्राय गोखोंसिन बिसायख 'थियारि फोसावदिनाय हाबाफारि सामलायजानायखौ नुनो मोन्दों। जायनि जाहोनाव



बड'लेण्डनि अखांआव दिनैनिफ्रायनो इउपिपिएल आरो बिपिएफ दोलोनि हेलिकप्टारनि हाद्रि गुफुंदोनाय बादायलायनाया जागायजेन्दों। सोरगिदि जैरेबो बिटिसि बिसायख 'थियारि फोसावदिनायनि दोहों आरो बिसायख 'थियारि सुबुं खाथिनि मोनसे फोर्बोंनि थासायि (□ 6 बिलाइआव)

अरां दख 'रा आसाम जातियताबादि युब सात्र परिषदआ फोरोंगिरि सान फालिदों

उदालगुरि, 7 सेप्टेम्बर: अरां दख 'रा आसाम जातियताबादि युब सात्र परिषदआ फोरोंगिरि सानजों लोब्बा लाखिनानै ओन्सोलनि फोरोंगिरिफोरखौ मान बाउनाय हाबाफारि खुंदों। अरां गोर्जौसिन गेजेरारि फरायसालिनि लोगो फोरोंगिरिजो उर्मि शर्मा, फोरोंगिरि बिजय शंकर बसुमतारि, गेलाबिल गोर्जो



मेरा युवा भारतनि बान्जायनायाव टेल 'रिं आयदानि सायाव मावबादा

कक्राझार 7 सेप्टेम्बर: सोलोंथाय मोन्नाय साखि गैयै लाइमोनफोरखौ गानग्रा जि मेसिनजों सुनाय आयदानि सायाव सांघ्रांथि लाबोनायनि थांखिजों मेरा युवा भारत मावबादा खुंफुंदों। एडभान्स इडुकेशन एण्ड डेभेल 'भमेन्ट फाउन्डेशन मुनि सरकारि नडैआफादिनि मदतजों मेरा युवा (□ 6 बिलाइआव)



गीता सन्मान फोर्बोंनि हाबाफारि बर' रावनि श्रीमतभगवत गीता



बाक्सा, 7 सेप्टेम्बर: बाक्सा जिल्लानि (कक्लाबारि) आव

थाखाय बर' रावनि "श्रीमतभगवत गीता" खौ समरास 'संस्कृतीक फाउन्डेशन' नि हेफाजाबजों गीता सन्मान फोर्बोंनि हाबाफारि लानाय जायो। बे गीता सन्मान फोर्बोंनि हाबाफारिखौ ड प्रहलाद बसुमतारिनि आंगो गामि कक्लाबारिनि हजुवा गामिआव बेखेवनानै होनायजों (□ 6 बिलाइआव)

शंकर ठाकुरियानि मुडै खुंनाय जोलुर बादायलाय- नायाव दानसोरां स्पर्टस क्लाबआ देरहादों



भबानिपुर, 7 सेप्टेम्बर: गोर्जो फरायसालिनि गेवलां सरुपेता आन्सलिक गेलेमु गौथुमनि बान्जायनायाव सरुपेता गेलेग्रा फोथाराव दिनैनिफ्राय शंकर ठाकुरिया गोसोखांथि

जोलुर बादायलायनाय हाबाफारिया जागायजेन्नाय। दिनैनि बे जागायजेन्नाय बादायलायनायाव शंकर ठाकुरियानि गोसोखांथियाव खुंनाय जोलुर बादायलायनायखौ रिहाबारि गोर्जौसिन गेजेरारि फरायसालिनि आयदा फोरोंगिरि जतिन ठाकुरियाआ बेखेवनानै होयो। बे बेखेवनाय गेलेनाय (□ 6 बिलाइआव)

पिएम मदिआ फैगौ 13 सेप्टेम्बराव मणिपुर दावबायनो हागौ

गोदान दिल्ली, 7 सेप्टेम्बर: गाहाय मन्थि नरेन्द्र मदिआ 13 सेप्टेम्बराव मणिपुराव दावबायनो हागौ। दासिमबो बिनि दावबायनायखौ लानानै मावख 'यारि महैरें खौरां होयाखै। नाथाय बे दावबायनायखौ लानानै गासै थियारिफोरा जाजोबबाय होन्ना सुलुंफोरा खौरां होदों। गाहाय मन्थि मावख 'ना खौरां होयोदि, पिएम मदिआ माखासे घन्टाफोरनि थाखाय दावबायनो हागौ। 2023 नि मे दानाव मेतेइ आरो कुकि ट्राइबेलफोरनि गेजेराव हिंसायारि जाथाय जानायनि उनाव पिएम मदिनि बेयो गिबि मणिपुर दावबायनाय जागोन। बेबायदियाव इम्फल आरो चुराचान्डपुराव हाबाफारिया गोखों जायो। सासे बिबानगिरिआ फोरमायोदि, गाहाय मन्थिआ मिज 'रमाव गोदान बैराबी-सैरां रेलवे बेखेवनायनि उनाव चपारनिफ्राय मणिपुरनि चुराचान्दपुर जिल्लायाव फैगोन। चुराचान्दपुर पीस ग्राउन्डयाव बिनि बिबुंथि होनायनि उनाव



मिजिंथियोदि, बियो इन्टारिम महैरें न' गैजायै सुबुंफोरजों लोगोसे माखासे सम सावरायगोन। चुराचान्दपुरनि सुलुडाव बुंनाय बायदिब्ला, पीस ग्राउन्डआव 9 रोजा सिटफोरनि गोहो थानाय सभानि थियारि खालामगासिनो दं आरो बेयाव गाहाय मन्थिआ सुबुंफोरजों सोमोन्दो लाखिगोन। चुराचान्दपुरनि जिल्ला मेजिस्ट्रेट धारुन कुमार एसआ 4 सेप्टेम्बराव मोनसे बिथोनाव गासै हाजोयारि जिल्लाखौ 'न डून जन' ओन्सोल फोसावयो।

जिल्ला बिबानगिरिआ गावनि बिथोनाव बुडोदि, जिल्लायाव भिभिआइपिखौ थांखिना दावबायनायखौ नोजोर होनानै गुबुन-गुबुन रैखाथि बेबस्थाफोर खालामगासिनो दं। चुराचान्दपुराव नोगोरारि समाज आफादआ गाहाय मन्थिनो गोसोखां बिलाइ गथायनायबि बिथांखि लादों चुराचान्दपुरनिफ्राय गाहाय मन्थिआ चपारनि गेजेरजों इम्फलआव थांगोन, जाय इम्फल इन्टारने सनेल एयारपर्टआव बाग्लायनो हागौ।

हजरतबलाव थानाय अशक सिंहखौ बुफायनायनि सायाव किरन रिजिजुआ बिबुंथि होदों

श्रीनगर, 7 सेप्टेम्बर: जम्मु-काश्मीराव हजरतबल दरगाहआव लुनाय अशक सिंहखौ बुफाय-बुसि खालामनाय फिसा लान्थियै सुलुडाव जायगा आवग्रिदों। पुलिसआ बे केसनि सायाव एक्सन लानानै सिनाय मोनै सुबुंफोरनि हँथायै केस थिसनो। बेनि गेजेरजों सा 26 सुबुंफोरखौ जिम्मायाव लाबाय। बेरा फारसे, आथिखालाव मिरुआरि मन्थि किरण रिजिजुआ बे जाथायखौ सोंखारिदों। संसदीय मावफुं मन्थि आरो बाडाइ सुबुं सानखो मन्थि किरण रिजिजुआ बुडोदि, हजरतबल दरगाहया गोजोननि बिदिन्थि। बेबायदि जायगाफोरनि सायाव गाग्लोबनाया जोबोद सोंखारि जाथाव। किरण रिजिजुआ सशेल मिडिया प्लेट फर्म एक्सननि सायाव पस्ट सेयार खालामनानै लिरोदि, हजरतबलआ गोजोननि नेरसोन। पेगम्बर मुहम्मदजों बे दरगाहआ गोथौ सोमोन्दो दं, जाय मोगथाडाव



फोथायनाय आरो खौसेथिखौ दिन्थियो। आं हजरतबल दरगाहनि गोसोखांथियाव लुनाय अशक सिंहखौ बुफायनायखौ गोखों रावजों सोंखारियो। अदेबानि किरण रिजिजुआ बे

पस्टखौ जम्मु-काश्मीर वक्फ बर्डनि आफादगिरि डक्टर दरक्षन अन्द्राबीनि टुइटनि फिन्नायाव लिर्दोंमोन। डाक्टर दरक्षनआबो बेखौ उतरखारि गाग्लोबनाय होन्ना फोरमायनानै दायनिगिरिफोरनि हँथायै गोखोडे नायबिजिनो दाबि दैखांदोंमोन। बेखौ लानानै राजखान्थियावबो दान्थे-बिदान्थे सोमजियो। पिडिपि गाहाय महबुबा मुफ्तीआ

दायनिगिरिफोरनि हँथायै गोखोडे नायबिजिनो दाबि दैखानानै वक्फ बर्डखौ फोजोबनो आर'ज गाबो। बेराफारसे, जम्मु-काश्मीरनि गिबि मन्थि उमर आबुल्लाआ दरगाहनि दरजायाव अशक सिंह लागायनायनि सायाव सोंथि दिखांदों। बियो धोरोमारि जायगाफोरग सरकारि सिंहफोर जेबो खामानियाव गैया होन्ना बुडे।

मेघालय पुलिसआ गारि सावनाय नेटवार्कआव सा 10 बांग्लादेशिफोरजों लोगोसे सा 17 सुबुंफोरखौ ग्रेप्टार खालामदों

मेघालय पुलिसआ गारि सावनाय नेटवार्कआव सा 10 बांग्लादेशिफोरजों लोगोसे सा 17 सुबुंफोरखौ ग्रेप्टार खालामदों

शिलं, 7 सेप्टेम्बर: मेघालय पुलिसआ मटर साइकेल सावनायजों लोब्बा थानाय सा 17 सुबुंफोरखौ ग्रेप्टार खालामो, हान्जाआ बांग्लादेशआव फाननो थाखाय शिलंनिफ्राय स्कुटार सावदोंमोन। पुलिसनिफ्राय बारग'नो नाजानायाव स्कुटार गाखोनाय सानै सन्देह खालामथावफोरखौ हमनाय जादों। मेघालय पुलिसआ सिमना बारनायनिफ्राय मटर साइकेल खावनायनि मोनसे गिदिर हान्जानि बिथिडाव सा 10 बांग्लादेशफोरजों लोगोसे सा 17 सुबुंफोरखौ ग्रेप्टार खालामो। पुलिसा फोरमायोदि, बे हान्जाया शिलंनि गुबुन-गुबुन ओन्सोलफोरनिफ्राय साखा खबब्रै गारिफोरखौ खावनानै सिमना बारना फैयोमोन। थानाय 4 सेप्टेम्बरनि फुडाव सान्जा खासि हिल्स जिल्लानि मावमाडाव गारिफोरखौ नेम-खान्थि बायदियै नायबिजिनय समार शिलंनि फारसेनिफ्राय फैबाय थानाय गंसे स्कुटारआ पुलिसखौ नुनानै हरखाबै इडटर्न लायो। दसे उनाव गारिखौ होबथायो आरो उनाव सिनायनाय सुबुंनि सिनायथिखौ सोनाब जयन्तिपानि बारतनि थागिबि नेहलां लामोर (24) मुडै सिनायथियो। नाथाय स्कुटार




सालायनाय सुबुड खारग'यो। आथिखालाव स्कुटार सालायग्राखौबो हमनो हाफिनबाय आरो बिनि सिनायथिखौ जवाइन थागिबि क्लेमेन्ट तिमुं (18) मुडै होदों। जेरा सेबनाय समार सानैबो

स्कुटारखौ शिलंनि लापालां ओन्सोलनिफ्राय खावदोंमोन होन्ना सिमान लायो। बेनि उनाव रिन्जाइ पुलिस स्टेसनाव केस थिसनो आरो नायबिजिनो जागायो। केनि उनाव जिल्ला पुलिसनि जर'खा हान्जाया सा

3 सुबुंफोरखौ ग्रेप्टार खालामो, जायफोरा पिटार महरमेन (18), विक्की दखर (20), आरो रमिय रिकसाइ (24) आरो बिसोर गासैबो सोनाब जयन्तिआ हिल्सनि दावकिन थागिबि।

आसामनि श्रीभुमियाव फैगौ बिथोनसिम आर्थिकेल 163 आ सोलिगोन

गुवाहाटी, 7 सेप्टेम्बर: श्रीभुमि जिल्ला खुंथाया जिल्लायाव गोजोन आरो आयेन बेबस्था भंग जानायनि सन्देहखौ नोजोर होनानै बिएनएसएसनि आर्टिकेल 163 नि गेजेरजों गासै रोखोमनि आयेनारि नडै सभाफोर आरो जथुमाफोरनि सायाव होबथाना लाखिदों। बे बिथोना करिमगन्जनि मुंखौ सोलायनानै श्रीभुमि खालामनायनि उनाव जानाय 12 घन्टानि बन्द आरो बेनि उनाव जानाय हिंसायारि धर्नानि उनाव फैयो। थानाय शनिबार खालि बिथोन फोसावनानै श्रीभुमिनि जिल्ला मेजिस्ट्रेटआ बुडोदि, संगालि खौरां आरो आथिखालानि जाथायफोरनिफ्राय राइज्योयारि गोजोना अलखदआव गोग्लैनायनि इसारा मोनो। बेनिखायनो जायखि-जाया जाथायखौ होबथानो थाखाय खुंथाया जिल्ला नडै इमार्जिन्सिखौ जारिमिनारि थांखि



लानायनि गोनांथि दं होन्नानै सानो। बिथोननि बायदियै गनार्थि लाग्रोया जासे सा 5 एबा बेनिखुइ बांसिन सुबुंफोरनि ज' जानायनि सायाव गोखोडे होबना होनाय जादों। बे रोखोमे गनार्थि गैया जासे बन्द फोसावनो, रेलिफोर धर्ना बायदिफोरबो खुनो हानाय नडा। राइज्योयारि रैखाथिखौ रोखा खालामनो थाखाय हाथियार बेरफ्रुया बेसाद एबा जायखि जाया बेरफ्रुया बेसाद लांलाय लाबोलायनि सायावबो होबथानाय जादों। बिथोनाव गारिफोरनि हान्था-मेलयाव जेना

सोमजि होनाय आरो लामा सेराव आयेन बेरेखा पार्किफोरखौबो होबथानाय जादों। मावख 'यारि गनार्थि गैया जासे लाउटस्पीकार आरो हाइ-जिसिबल साउन्ड सिस्टेमफोर बाहायनायखौबो आयेन बेरेखा महैरें फोसावनाय जायो। बेयाव गोनांथि जानाय सिबिथायफोरनि थाखाय रेहाय होनाय जादों, जेराव डिडिटियाव थानाय सरकारि बिबानगिरि, एम्बुलेन्स, अर लुखोमोग्रा सिबिथायफोर आरो गुबुन इमार्जेन्सि हाबाफारिफोरा दंफायो।

जिएसटियाव साबस्त्रांहोनायनि थाखाय गाहाइ मन्थि मदिनो मान बाउनाय जागोन



गोदान दिल्ली, 7 सेप्टेम्बर: बिजेपि एमपिफोरनि सानैनि हाबाफारिया रबिबारआव जागायगोन, जेराव गाहाइ मन्थि मदिनो जिएसटिखौ साबस्त्रांहोनायनि थाखाय मान बाउनो हागौ। हाबाफारिनि बिथांखिखौ माखासे सान सिगां बानायदोंमोन। पिएम मदिआबो बेयाव बाहागो लानो हागौ। सुलुंनि बायदिब्ला, गोदान जिएसटिआ स्लेबनि थाखाय एमपिफोरनि गेजेरजों गाहाइ मन्थिनो मान बाउनो हागौ। बिजेपिनि बुंनाय बायदिब्ला, गोदान जिएसटि स्लेबजों सुबुंफोरनि सायाव टेक्सनि बजाआ खम जागोन आरो रांखान्थियारि बेबस्थाया बांगोन। बिजेपि आरो बिनि हेफाजाबगिरि दोलोफोरा मिजिं थिदोंदि, माखासे मुवा-बेसादफोरनि बेसेनफोराव दावख्लायनायजों सुबुंफोरनि सान्नायफोर जैरेबादियै पजिटिभ जायो, बेनि मुलाम्फाखौ बिसोर नभेम्बर दानाव जानो गोनां बिहार बिधान सभा बिसायख 'थियाव मोनो हागौ। पेट्रनि बायदिब्ला,

गाहाइ मन्थि मदिआ थानाय शनिबारखालि राष्ट्रपटि भवनआव हादतगिरि ट्रौपदि मुर्मुजों लोगो हमो। बिनि मावख 'या एक्सआव मोनसे पस्ट होना जथुम्मानि मोनसे

सावगारि शेयार खालामो। हादतगिरि मावख 'आ बुडोदि, गाहाइ मन्थि मदिआ राष्ट्रपति भवनआव हादतगिरि मुर्मुजों लोगो हमो। बे लोगो हमनाया मदिनि जापान आरो चीननि

दावबायनायनिफ्राय फैफिन्नायनि माखासे सानफोर उनाव जायो। एएनआइनि बायदिब्ला, पान्जाब आरो हादतनि गुबुन ओन्सोलफोराव दै बानाजों जोबस्त्रांनायखौ नोजोर होनानै 8 सेप्टेम्बरआव गाहाइ मन्थि मदिनि न'आव राजग एमपिफोरनि थाखाय खुंनाय हरनि जानायखौ होबथायो। बे हरनि जानायखौ ले डाइ हादतगिरि बिसायख 'थिनि सानसे सिगां थि खालामदोंमोन। सुलुंनि बायदिब्ला, बिजेपि आफादगिरि जेपि नडुनि न'आव थानाय शनिबार हरव जानो गोनां हरनि जानायखौबो होबथानाय जादों।

जर्जियानि हुन्डाइ एलजि प्लान्टयाव इमाइग्रेसन बिबानगिरिफोरा सिग्रोमदों

गोदान दिल्ली, 7 सेप्टेम्बर: आमेरिकानि जर्जियाआव थानाय आन्डार कन्ट्राक्सन हुन्डाइ-एलजि प्लान्टयाव इमाइग्रेसन बिबानगिरिफोरा सिग्रोमनानै सा 475 मावसुमाफोरखौ जिम्मायाव लायो। बिसोरनि गेजेराव बांसिनानो खोला करियानि नो गोरारिमोन। बिबानगिरिफोरनि बुंनाय बायदिब्ला, बे सुबुंफोरग आयेन बेरेखायै आमेरिकायाव थाबोगासिनो दंमोन। बे प्लान्टआ इलेक्ट्रिक गारिफोरनि थाखाय बेटारिफोरखौ साप्लाइ खालामनो थाखाय फसंगासिनो दंमोन। सशेल



मिडियानि सायाव बे सिग्रोमनायनि माखासे भिडियआ भाइरेल जागासिनो दं, जेराव हमलेन्ड सिकिउरिटि इन्भेस्टिगेसननि बिबानगिरिफोरग बेयाव थानाय मावसुमाफोरखौ बासनि सिगाडाव आखाइ दिखानो बिथोन होगासिनो दं। बेनि उनाव बिसोरखौ सिग्रोमनाय जादों। सासे लेबारा बुडोदि, बिबानगिरिफोरग औरैबायदियै हाबदों, जैरेबायदियै वार जनाव जायो। अदेबानि डनाल्ड ट्राम्पनि नैथि खेब हादतगिरि जानायनि उन्निक्रय आमेरिका आरो खोला करियानि सोमोन्दोआ गाजिसिन जालांगासिनो। दरनै हादतफोरनि गेजेराव 350 आरख

डलारनि इन्भेस्टिगेजों सोमोन्दो थानाय ट्रेड डिलखौ लानानै गनार्थि जायाखै। ट्राम्पनि आखुखौ रगा जौनानै खोला करियाआ आमेरिकानिफ्राय लाबोग्रा बेसादफोरनि सायाव टेरिफ जाबसिनना होदोंमोन। खोला करियाआ आमेरिकायाव माखासे प्लान्ट बानायदों। बे प्लान्टफोरनिफ्राय गारिफोर आरो इलेक्ट्रिक्स आइटेम्फोर प्रडाक खालामनाय जायो। जेब्ला ट्राम्पआ खोला करियानि कम्पानिफोरखौ टेरिफ जाबसिननो हुमखि होदोंमोन, अब्ला बेखौ फाननो थाखाय माखासे कम्पानिफोरा आमेरिकायाव फेक्ट्री बानायनाययाव गोबां आरख डलार इन्भेस्ट खालामो।

ब्रिटिश पुलिसआ पिलिस्ताइननि मदतआव धर्ना होबाय थानाय सा 300 सुबुंफोरखौ ग्रेप्टार खालामदों

लन्डन, 7 सेप्टेम्बर: ब्रिटिश पुलिसआ शनिबार खालि होबथा जानाय फिलिस्ताइन एक्सन आफादनि हेफाजाबाव धर्ना होबाय थानाय सा 300 धर्ना होग्राफोरखौ ग्रेप्टार खालामदों। पुलिसआ इन्चरेंटे मिडिया प्लेट फर्म एक्सआव लिर्दोंदि, धर्ना होग्राफोरा पुलिस बिबानगिरिफोरनि सायाव लावथि सिबना गाग्लोबदों, बिसोरनि सायाव इटा-अन्थाय खुबैदों आरो गाजि रावफोरजों सोंखारिदों। सरकार फिलिस्ताइन हेफाजाबगिरि हान्थाखौ उतरखारि



आफाद होन्ना मिबथि होनानै बिसोरनि सायाव सोलिफु बोसोरनि जुलाइ दाननिफ्राय होबथानानै दोन्नाय जादों। आफादआ रयेल एयारबेसआव हाबफैनानै बुफाय-बुसि

खालामदोंमोन आरो सान्थि उरां जाहाजफोरखौ खहा खालामदोंमोन। आफादआ इजराइलजों लोब्बा थानाय डिफेन्स फर्मफोरखौबो थांखि बानायदोंमोन। आफादआ दाय

जाबसिनदोंमोनदि, इजराइलनि दावहा नांनाय दायफोरनि सायाव ब्रिटेनआ मेगन फांथेना थादों। पुलिसआ फिलिस्ताइन एक्सनजों लोब्बा थानाय गोबां सुबुंफोरखौ ग्रेप्टार खालामबाय। बेव बांसिन सुबुंफोरखौ 60 बोसोर बैसोन गोजौआव होन्ना मिबथि होनाय जादों। गोदान आयेननि बायदिब्ला होबथा जानाय आफादजों लोब्बा थाफानाय दायनिगिरिफोर 14 बोसोरसिम जोबथेसालियाव थांनांनो हागौ।

LOST

I have lost my Grade Card bearing Roll No. UG123A20483 of 5th Semester, Registration No. 023490 2020 - 21 of Kokrajhar Govt. Collage kokrajhar under Bodoland University.

Rupankar Basumatary
Vill: Narabari
P.O. & P.S. & Dist.: Kokrajhar
Pin No. 783370
Mobile No: 9864086385

मणिपुर रैखाथि हान्जाफोरा नायबिजिरनाय हाबाफारियाव उतखारि आरो साइबार दायनिगिरिफोरखौ ग्रेप्टार खालामदों

इम्फल, 7 सेप्टेम्बर: जुथाइ हाबाफारियाव केसिपि आरो पिआरइपिएके नि उतखारि मावसुमाफोरखौ ग्रेप्टार खालामो। साइबार क्राइम पुलिसआ खच्चर बेंक एकाउन्ट गेना-खान्थियाव सानै दायनिगिरिफोरखौ हमो। ग्रेप्टारनि समाव माखासे मबाइल फन आरो अजद दैखांथाव मुवा-बेसादफोर जब्द’ खालामो। मणिपुराव रैखाथि हान्जा आरो पुलिसआ थांनाय सानैनि गेजेराव माखासे हाबाफारि सालायो, जायनि फिथाय महरै उतकारि आरो साइबार दायनिगिरिफोरखौ ग्रेप्टार खालामनायजों लोगोसे हान्था-मेलानि नेम-खान्थिफोरखौ सिफायग्राफोरनि हेंथायै नायबिजिरनायखौबो गोख्रों खालामो। थांनाय 6 सेप्टेम्बरआव मोनसे जुथाय टिमआ केसिपि (पिडब्लिउजि) नि सासे मावसुमाखौ ग्रेप्टार खालामो, जायनि सिनायथिखौ थौबल जिल्ला देहा फाहामसालिनि



खाथि वांजि अवां लेइकाइनि थागिबि हदम बिक्रम सिंह एबा टमथिन (34) मुडै होयो। बिनिफ्राय गंसे पियाजिय भेप्सा स्कुटार, गंसे मबाइल फन आरो मोनसे सिम कार्ड जब्द’ खालामो। बै सानाव मणिपुर पुलिसआ होबथाजानाय आफाद पिआरइपिएकेनि सासे एक्टिभ सोद्रोमाखौ ग्रेप्टार खालामो। सोनाब इम्पल जिल्लानि

वांगइ पुलिस स्टेशननि सिझव थानाय हाअरेहनि अवां लेइकाइनि थागिबि सरंबाम बडे सिंह (37) खौ बिनि न’निफ्राय ग्रेप्टार खालामो। पुलिसनि बायदिब्ला, बियो हायेनाव गलादार, फालांगि फ सं थानफोर आरो दायनिगिरिफोरखौ थौबल अथकपम अवां लेइकाइनि कं खम अपु सिंह (32) आरो राशेश्वरी लीमा (30) मुडै सिनायथिदों।

थांनाय 5 सेप्टेम्बराव साइबार क्राइम पुलिस स्टेशननि टिमआ साइबार गेना-खान्थिनि थाखाय खच्चर बेंक एकाउन्ट सालायनायनि दायआव सानै सुबुंफोरखौ ग्रेप्टार खालामदों मोन। दायनिगिरिफोरखौ थौबल अथकपम अवां लेइकाइनि कं खम अपु सिंह (32) आरो राशेश्वरी लीमा (30) मुडै सिनायथिदों।

सरकारआ बेरामिफोरनो गिदिर रेहाय होदों

गोदान दिल्ली 7 सेप्टेम्बर: आथिखालाव मिरु सरकारा सुबुंफोरनो गोबां रेहाय होदों। सरकारा मोन 42सरासनस्त्रा मुलिफोरनि बेसेनखौ खमायनानै होदों बेफोरनि बेसेनखौ थि खालामना होदों। बेफोरनि मादाव ब्रेड-स्पेक्ट्रम एन्टिबायोटिक आरो इप्का लेबराटरिज आबे दंफायो। सरासनस्त्रायै बेफोर मुलिखौ अफारेचन खालामनायफोराव बाहायनाय जायो आरो अर्गेन रिजेक्सनखौ होबथानो थाखाय बाहायनाय जायो। सुलुंनिफ्राय मिथिनो मोननाय बायदिब्ला मेरपेनम आरो सुलुबैक्टम इनजेक्स्वननि खुस्त्रा बेसेना 1938.59 रॉ। बेनि अनगायै माइकफेनलेट मफेटिलनि बेसेना मोनफ्रोम बथलाव 131.58। बेरा फारसे बेक्टीरियेल इन्फेक्शननि



फाहामथायाव बाहाय जाग्रा एबट हेल्थके यारनि क्लेरिश्चमाइसिन एक्स्टेन्डेड रिलिज टेबलेटनि बेसेना आथिखालाव मोनफ्रों टेबलेटआव 71.71 रॉ। सुलुंनि बायदिब्ला, बे बोसोरनि फेब्रुवारि दानाव एनपिपिएआ बिथोन फोसावदोंमोन। बे बिथोनाव बुंनाय जायोदि, गासै बानायग्राफोर थि बेसेनफोरनि फारिलाइखौ डिलार, राइज्यो

मुलि सामलायगिरि आरो सरकारनो गथायनांगो। बेरा फारसे, बेनि सोमोन्दै सासे बिबानगिरिया फोरमायबावोदि, बेसेनि फारिलाइखौ दिन्थिनायनि बिथोनखो बेनि थाखायनो होनाय जादों। जाहाथे सरासनस्त्रा नोगोरारिफोरा फार्मासिआ मुलिफोरखौ एनपिपिएनि गेजेरजों थि खालामनाय बेसेनावनो फनदों ना फानाखै बेखौ नायबिजिरनो हायो।

ढाका, 7 सेप्टेम्बर: आगुनि गाहाइ मन्थि खालिदा जियानि पार्टि बांग्लादेश नेशनलिस्ट पार्टि (बिएनपि) आ थांनाय शनिबारखालि सांग्रांथि होयोदि, हिंसायारि जाथाया हादतनि बयनिखुइ देरसिन जेंनाफोरनि गेजेराव मोनसे जाबाय, जर’खायै थांनाय बोसोरनि राजखान्थियारि सोलायनायनि उनाव। बिएनपिनि गाहाइ नेहाथारि मिर्जा फखरुल इस्लाम आलमगीरआ मोनसे मोगा-मोगिनि समाव बुडोदि, जुदि

इजराइलनि सान्थिफोरा फिलिस्टाइन-फोरखौ गाजा सिटि नागारनो थिन्दों

यरुशालेम, 7 सेप्टेम्बर: इजराइलनि सान्थिफोरा गाजा सिटियाव थाग्रा लाख-लाख सुबुंफोरखौ सहर नागारनानै खोला बाहागोयाव बानायनाय रैखाथि ओन्सोलाव थांनो थाखाय बुडे। नाथाय सुबुंफोरा न’ आरो शहर नागारनो थियारि जायाखै। गाजा पट्टीनि बे बयनिखुइ देरसिन शहरखौ सरासनस्त्रा सुबुंफोरनिफ्राय खालि खालामनानै इजराइल सान्थिआ बेयाव हामासनि हेंथायै थोंजोडै नायबिजिरनो लुबैदों। बेयो बै ओन्सोल, जेराव 23 दाननि दावहायाव इजराइल सान्थिफोरा आबुडै दख’ल खालामनो हायाखै। इजराइल सान्थिनि दाबि दैखंनाय बायदिब्ला, बावयैसो सप्ताहफोरनि नायबिजिरनायाव बिसोर गाजा सिटिनि बाइजोयारि ओन्सोलफोरनि सायाव दख’ल खालामो। मानोना इजराइल सान्थिफोरा हामासनि गोहोम गोलैनाय बे शहराव लांकारनाय इजलाइलनि नोगोरारिफोरखौ



बेंखन्ना लाखिदों होन्ना सन्देह खालामदों। हामासनियाव दासिमबो सा 48 जोबथेना लाखिनायफोर थाबावनो हागौ होन्ना गनायना लादों आरो बिसोरनि गेजेराव सा 20 आ गोथाडै थाबावनायनि मिजिं दड। गाहाइ मन्थि बेन्जामिन नेतन्याहुनि शहरनि सायाव दख’ल खालामनाय बिथोनखौ जाफुंसार होनो थाखाय इजराइल सान्थिआ माखासे सप्ताहनफ्राय गाजा सिटिनि

बाइजोयारि ओन्सोलफोरनि सायाव हा आरो गासै गाजा शहरनि सायाव उरां जाहाजजों गाग्लोबगासिनो दड। बायजोआरि ओन्सोलफोरनि बांसिन सुबुंफोर रैखाथिखौ जिंगा सिनानै ओन्सोलखौ नागरबाय। नाथाय शहरनि गेजेर बाहागोयाव दासिमबो लाख-लाख सुबुंफोर दड। इजराइल सान्थिनि बेंखन्ना लानायनि जाहोनाव बिसोर जाग्रा आदारजों लोगोसे गुबुन गोनांथि जानाय मुवा-बेसादफोर मोन्नो

हायाखै। नेतन्याहुआ गाजा सिटिनि सायाव अरयथा महरै दख’ल खालामनायनि बाश्रा बुंदों, जेराव रैखाथिनि आबुं बिबानआबो इजराइलनिनो जागोन। इजराइल आरो हामासनि गेजेराव गेजेर बाहागोनि जानाय मिस्त्र आरो कातारआ गाजानि सायाव दख’ल खालामनो नेत्याहुनि फोसावनाय आरो फिलिस्टाइनफोरखौ शहर नागारनो इजराइल सान्थिनि फरमानखौ सोंखारिदों।

बांग्लादेशआव बांनाय हिंसायारि जाथायफोरा मोनसे गिदिर जेंना जाना फैबाय



बांनाय हिंसानि सायाव कन्ट्रल खालामाब्ला, बेयो हादतनि थाखाय खहा गोनां जागोन।

आलमगीरआ बुडोदि, माखासे आफाद आरो सुबुंफोरा रोखायै बुंगासिनो दडदि, जायनो

शरियानि हेंथायै बाश्रा बुंगोन, बेखौ सहायनानै थानाय नडा। आइजोफोरखौ कन्ट्रलाव

लाखिनाय जागोन। बिथाडा फोरमायबावोदि, बे गोहोफोरा सिगाडव्नो दडमोन। नाथाय 2024 नि 5 आगस्टनि उनाव बेयो गोख्रोंसिन जायो। सुलुडा फोरमायनाय बायदिब्ला, मुहम्मद इउनिसनि दैदेन्नायाव इन्त्यरिम सरकारा आगुनि गाहाइ मन्थि शेख हासिनानि अवामी लीगनि हाबाफारिफोरखौ फोजोबना होबाय। बेबायदियाव अवामी लीगनि नुजाथिनायाव बिएनपिआ बयनिखुइ देरसिन पार्टि ओंखारबोयो।

हिन्जाव माहारी आरो सतीनि गोहो

प्रपेला ब्रह्म

बे ब्रह्मान्दरआव भुमआ जोनोम मोन्नायनि लोगो लोगो सोरजिगिरिआ मानसि-दुमसि, जिउ-जिरात गासिखौबो सोरजिदों। जिउ-जिरात जोनोमनि गेजेराव हौवा आरो हिन्जाव फाराग महरै ईशोरा सोरजिदों। हौवानि गोहोया आलादा फाराग दड बुंजायो। मानोना हौवानि गोहो बोलोआ बांसिन। नाथाय हिन्जाव माहारीफोरनि शक्तिफ्रा साखाराव नुनो मोनै गोहो दड। मानोना भुम जोनोमनि लोगोसे सैंथो जिरातआबो जोनोम थोनाफादोंमोन। जायनि थाखाय बयबो जोनोमगिरियानो सैंथोनि मायानि दौलेंखौ एराइनो हायाखै। बिनि थाखायनो सोरबा माया गेलेहोग्रा सोरजिगिरि ईशोर नाम दड होन्नानै बयबो जिउ जिरातआनो गंग्लायनांदों।

बे मुलुगनि जोनोम मोन्नाय हौवा आरो हिन्जाव आलादा फाराग दड। गुण-शक्ति आरो देहा-सोलेरफ्राबो गुबुन गुबुन। लेखा फरा, गियान गुबुन। लेखा फरा, गियान दावगानायफ्राव हिन्जाव माहारीफ्रा हौवाफोरजों समान मासियाव हाया। हिन्जाव माहारीफोरनि देहा सोलेरफ्रा

गुर लेहेम आरो गोबां गोसोफ्रा माहि। हौवा माहारीफोरनिखुइ हिन्जाव माहारीफोरनि गोसो गोबों अन्नाइनि गोबांसिन फुं खा थायो। बिमा माहारीफोरनि गोसोआ गुरै आरो अनसुलीसिन। बिब्दिनो गुरै लेहेम आरो अनसुली गोसोनि थाखायनो हिन्जाव माहारीफ्रा सैंथो आरो धोरोमखौ गोबांसिन बासा बोनो हायो। जोनोमगिरि बे बिमा माहारीआनो दुखु-जाल्लां, रायनाय, बुंनाय बेफोर गोबां हेंथा सत्तखौ सहायनो हाग्रा सहायसुली। गोबोंनि दुखु-जाल्लां, खोथा-बाश्रा लाखोमानानै दोनखोमानो हाग्रा बे हिन्जाव माहारी। नाथाय माखासे हिन्जाव माहारीफ्रा सहायसुली एबा सैंथोगिरि नडा। थेवबो बुंनो थाडोब्ला बिफोर आइजो माहारीफ्रा बारगा आखु आरो अहंखारनि दौलेंजोंसो बोब्रेजानाय बुंजायो। नाथाय बिसोरबो उनाव बे सैंथो आरो धोरोमनि बिगोमानि आथिंआवनो नागिरबायनानै गोग्लै फिन्नाडो। बिनि थाखायनो जों बयबो देरनाय लोगो लोगो सैंथो आरो धोरोमजों आगान सुरलाडोब्ला थांनानै थानायाव जिउ लामाया अराय सोरां आरो गोथार जालांगोन।

हिन्जाव माहारिनि

कुलआव जोनोम मोन्दों होन्नानै जों हिन्जावफ्रा साधु एबा ईशोर फुजिग्रा सन्यासी बादि जानाडा बे नडा। मानोना हौवानो जा एबा हिन्जावआनो जा जों बयबो ईशोरनिनो फिसा। बे ब्रह्मान्दरआव 84 लाख जगीनि गेजेराव मानसि जोनोमआनो साबसिन आरो देरसिन। बे मानसि जोनोम मोनसेयावबो जों इसोरखौ सिनायनो रोडाब्ला जोंनि जोनोमआनो नंखाय बुंजायो। बिनिखायनो जों गोसोनि खोथाखौ फोरमाइनो रोंनायनि थाखायनो जों बयबो ईशोरनि सैंथो धोरोमखौ फालिनांगौ। हिन्दुआनो जा खूष्टानआनो जा गासिबो धोरोमनि बाणीनि गुणफ्रानो बे एखे सैंथोखौ मानिनाय। रावखौबो थगायै, मालाइनि इनाय सानै देतसिनखौ मानिनाय, गुबुनखौ गावबादि सान्नाइ आरो हिन्जाव माहारीया फिसाइखौ अराय गंग्लाइनाय।

हिन्जाव माहारीया देरनाय लोगो लोगो आबु गोनां आखुखौ नोजोर होनानै सोलोनो रोंनांगौ। बेफोरबादि गियानजों साथिफबनाय आखुनि हिन्जाव माहारीखौ बुंनो थाडोब्ला गुबुन हारिफोरनाव बांसिन नुनो

मोनो। जेरै बिमा बिफाखौ मान होनाय, बेवयाइ एबा देरसिनखौ मान होनाय, फिसायखौ फुं-बेलासि, जानाय लॉनाय उन्दुनायाव खुलुमनाय आरो धोरोम निथिफोरखौ गोबां मानिनाय नुनो मोनो। जेरै मानिदों एरैनो बिसि-फिसा फोलेरफ्राबो गोजौ थाखोनि मासियाव गाखो लांनो हासिन्दों बुंजायो। नाथाय जोंनि बर’ हिन्जाव माहारीफोरनि बिमा-बिफा फुजिनाय, फिसाइखौ मान होनायफोरखौ गोबां फाराग थानाय नुनो मोनो। बर’ हिन्जावफोरनि बिमा बिफा फुजिनायफ्रा आरो फिसाइखौ मान होनायफ्रा संसार जानायाव मावयै दाडै समानै देहाबो गारफानानै नंखर सहाय होनायखौनो जों गोबां मान होनाय बादि मोनो। जोंनि गोबांसिन आइजोफ्रा गात्रि फावयै फिसाइखौ राइला बाइनाय नुनो मोनो। नाथाइ बुंनो थाडोब्ला बेफोर आखु एबा गुनफ्रा सैंथो एबा धोरोमआव गोलैनाय जाया। जोंनि बिमा माहारीफ्रा गुरै आरो हागौमानि गौदै खोथा रावफ्राव बाहायग्रासो जानो हानांगौ। होमब्लासो जोंनि फिसाफोर उन जोलैफ्रा गोथार आखु गुणफोरखौ सोलोगोन। जोंनि बर’ माहारीनि उन जोलैनि फिसाफ्राबो सैंथो आरो धोरोमखौ गंग्लायनानै

फालिनानै जानो रोंगोन। होमब्लासो जोंनि उन जोलैनि फिसाफोरनि गोबोंयाव साधक-साधणी-सती फिसा आरो बीर फिसाफोर जोनोम मोन्नो हागोन। जों सानोजे धोरोमनि रेखाखौ जोनोमजों लोगोसेयैनो लानानै फैखायो होन्नानै। नाथाय गोबांसिन मानसिफ्रानो गाव-गावनि नाजानाय गोहोनि गुणजोंसो शक्तिखौ मोन्नो हायो। जेरैगान्दरी, मन्दरी आरो बर’ माहारि बिमा हिरिम्बा, देवकी कुन्ती देवी कौसुला, आरो सुमित्रा मोनहा गाव गावसिनि फुजिनाय सैंथोखौ मानिनायावसो बिसोरो सतीनि गोहो गुणखौ मोन्नो हादों। बिसोर बिमाफोरनि गोबोंआव बीर-महाबीर जोनोम मोन्नो मोन्दों। अदेबानि दा जोंनि बर’ माहारीयाबो सतीनि गोहो गुणफोरखौ बुथुमनो नाजानांसिगौ। जाहाथे जोंनि बर’ बिमानि गोबोंआव अमर बीर जोहोलाव जोनोम मोनो। बबेखाफि बर’ बिमानि गोबोंयावबो गोबां बर’ बीर जोहोलाव जोनोम मोन्दोंमोन। नाथाय फोथाइ खेबस’ बर’ हारिया गावनि फिसाखौ बीर फिसा होन्नानै सिनाइ रोडैयाव निस्टुर गोसोयै फ्रेजोबनानै लाबोदों। बिनिखायनो रावबो बीर जोहोलावआनो थावरि फुडखै।

माहाम देहानि राहा

खाम्ब्रेंगा फिथाया इमिउनिटिनिफ्राय लानानै डायबिटिसनि बेमारिफोरखौबो मुलाम्फा हायो

खाम्ब्रेंगाआ देहानि थाखाय जोबोद मुलाम्फा गोनां। बेयो जानायावबो स्वाद गोनां जानायजो लोगोसे बेयो माखासे देहायारि मुलाम्फाबो होयो। खाम्ब्रेंगाखौ कमरख मुडैबो मिथिनाय जायो। बे फिथाइखौ नुनायाव हाथरखि बायदि नुयो। बियो नुनायाव जेसेबां समायना एसेबांनो जानोबो गोथाव जायो। बेयाव माखासे मुलियारि गुनफोरा बुंफबना थायो। लोगोसे बेयाव भिटामिन बि भिटामिन सि, सडियाम, पटेसियाम, आयरन आरो माखासे मख'जाथाव एन्टिअक्सिडेन्ट गुनफोर मोन्नाय जायो। बेनि अनगायैबो बेयाव केलरिनि बिबाछ जोबोद खमै थायो आरो बेयाव गोबां बिबांनि फाइभर मोन्नाय जायो। बे फिथाइखौ जानायजो इमिउनिटया गोखों जायो। लोगोसे बे डायबिटिसखौबो कन्ट्रल खालामनायावबो मदत खालामनो हागौ। बेयाव मोनाय फाइभरनि गुनखौ दोगोननि थाखाय मोजां होन्नानै गनायना लानाय जायो।

(1) इमिउनिटिखौ गोखों खालामनो थाखाय खाम्ब्रे'गाखौ जानो हागोन। मानोना देरहोग्रा लावहोग्रा गुन



आरो भिटामिन सिनि गुनजो बुंफबनाय खाम्ब्रेंगा जानायजो देहायाव इमिउनिटि आरो एनार्जिखौ बाराय होनो हायो।

(2) खाम्ब्रे'गाया दोगोनखौ साबसिन खालामना लाखिनायावबो बानजायजाथाव जानो हागौ। मानोना बेयाव गोबां बिबांनि फाइबर मोन्नाय जायो, जाय खि गोर खिनाय आरो उदैनि जेनानिफ्राय रेहाय होनायाव मदत खालामनो हागौ।

(3) खाम्ब्रे'गा जानायजो डायबिटिसनि जेनाखौ कन्ट्रल खालामनो हागोन। बेयो थैनि शर्करा आरो इन्सुलिननि थाखोखौ कन्ट्रल खालामनायाव

मदत खालामो।

(4) खाम्ब्रे'गाया बिखाखौ गाहामै लाखिनायनि खामानि मावयो। बेयाव फलिक एसिड, भिटामिन बि 9 आरो एन्टिअक्सिडेन्टआ गोबाडै थायो, जाय बिखानि जेनाफेरिन्प्रयरेखा खालामनायाव मदत खालामनो हागौ।

(5) खाम्ब्रे'गायाव भिटामिनि बि आरो सिजों लोगोसे एन्टिअक्सिडेन्टखौ थोजासे बिबांनि मोन्नाय जायो, जाय खानायखौ गाहामै लाखिनायाव मदत खालामो। बिखौ जानानै खानायफोरखौ गोलाव आरो रोजा खालामनो हायो।

अजय देवगननि मोनसे सावथुनखौ बानायनायाव बनि कापुरआ 210 कौटि रं खरस खालामदों

गावनि 'मैदान' सावथुनखौ लानानै बनि कापुरआ जोबोद पेसनेट जानानै दंमोन। बेखौ बानायनाया 2019 आव जागायदोंमोन आरो बेखौ फोजोबनायाव 5 बोसोर सम नांदोंमोन। 2024 आव गिदिर पर्दाआव फैनायनि सिगां बे स्पर्टस ड्रामाया माखासे जे'नाफोरजों मोगा-मोगि जानांदोंमोन, अब्लाबो बेयो बक्स अफिसआव जाफुंसारनो हायाखैमोन। 120 कौटि रंनि बाजेटआव बानाय जानाय बे सावथुननि बाजेटआ बांनानै 210



कौटि रं जादों, जायजों बलिउड बानायगिरिआ गोबां खहा जादों। उनाव बिसोरो गावसिनि खरसखौ सुख'नो थाखाय रं दाहार लानो गोनां जायो। अजय

देबगन स्टारनि बे सावथुनखौ बानायनायनि बागै बाश्चा सावरायनानै सावथुन बानायगिरिआ कमल नाहतनि इउटुब सेनेल गेम सेन्जार्सआव

बुडे, 'मैदान' सावथुनाव आंनि रंआ गोदोदों। कभिड- 19 महामारिनि जाहोनाव सावथुना 4 बोसोरनिखूडू बांसिन समसिम गोदोना थादों। सान्नानै नाय महामारिनि सिगां जानुवारि, 2020 सिमाव सावथुननि 70 जौखोन्दो बाहागोआ जोबबायमोन। जों मार्च दाननि जोबथा सप्ताहनिफ्राय बादाय लायनायनि सुटिखौ खालामगोसिनो दंमोन, अब्ला जोंनि इउनिटआव गासै सा 800 सुबुंफोर थायोमोन आरो कभिडनि जाहोनाव माखासे होबथा जानाय जादोंमोन। बे समाव आं गासै इउनिटनि थाखाय ताजनिफ्राय जाग्रा आदार बिहरदोंमोन। आं जेब्लायबो गंनै एम्बुलेन्स आरो सुबुंफोरनि मोनसे दोलोआ

दंमोन, बिसोरो आलादा-आलादा हादरनि गेलेगिरिफोरमोन? बाजेट बांनायखौ लानानै बनिआ मिबथि होयोदि, जेब्ला जों बादाय लायनायनि सुटिखौ खालामगोसिनो दंमोन, अब्ला जोंनि इउनिटआव गासै सा 800 सुबुंफोर थायोमोन आरो कभिडनि जाहोनाव माखासे होबथा जानाय जादोंमोन। बे समाव आं गासै इउनिटनि थाखाय ताजनिफ्राय जाग्रा आदार बिहरदोंमोन। आं जेब्लायबो गंनै एम्बुलेन्स आरो डक्टरफोर लाफानाडोमोन।

फावखंगुर सन्जय दत्तआ गावनि जोबथेसालियाव थानाय समनि जाथायफोरखै फोरमायथिदों



हिन्दी सिनेमानि मुंदाखा फावखुंगुर सन्जय दत्तओ गावनि प्रफेचनेल लाइफयाव गोबां खैदां- खैफोद आरो जेनाफोरजों मोगा-मोगि जाबोनांदों। नाथाय बिथानि फार्चनेल लाइफया मोनसे नंगुबै एबा मोखथां जिउ जारिमिननि खम नडा। बिथांछा गावनि गेजेर समाव जोबथेसालियावबो थानो गोनां जादोंमोन। सनजय दत्तया 1993 ई माइथायनि मुमबाइनि बमा बेरफुनाय जाथायाव लोब्बा थानायनि दायव गोबों खेब जेलयाव थांनो गोनां जादोंमोन। बियो गासै बोसोर 5 जेलाव थांनांदोंमोन। जेलाव थानाय समाव बियो मावोरै जिउ खांदोंमोन बेनि सायाव बिथांछा बेनि सायाव फोरमायथिदों। मखनो गोनांदि बावयैसो सान सिगां दा ग्रेट इन्डियन कपिल श्व' नुजाथिहैदोंमोन। बिथांहा बे समाव बुंथिना लादोंमोनदि जेलाव थानाय समाव गाव फिसा-फिसौ खामानि मावनानै रं खामाइदोंमोन। बेल नडा सनजय दत्त रेडिअ रूव बानायदोंमोन आरो ड्रामा कम्पानिबो बानायदोंमोन। बिथांछा आरशना फुरण सिंह मोनहा गावनि सायाव बाखनायोमोन होन्नानै बुंथिदोंमोन। बिथांछा लोगोसेनो बुंथिबावदोंमोनदि जेलाव थानाय समाव मोनसे नाटक कम्पानीबो बानायदोंमोन।

फावखुंगुर आल्लु अर्जुनआ पुष्पा 2 सावथुननि थाखाय बान्था देरहादों



साउथ इन्डियान इन्टारनेसनेल फिल्म एवार्ड (एसआइआइएमए) नि गिबि सानखौ शनिबारखालि खुंफुंबाय, जेराव तेलेगु आरो कन्नड फिल्म इन्डास्ट्रिनि देरहागिरिफोरखौ फोसावनाय


जादों। जेराव गौरी, कल्कि 2898 एडि आरो पुष्पा 2 दा रूल बायदि सावथुनफोर बान्था मोन्दों। बबेखानि तामिल आरो मालायालम सावथुनफोरनि थाखाय दासिमबो फोसावथ'नाय जायाखै, नाथाय

हाबाफारिनि गिबि खोन्दोआ महरगिरिफोरजों बुंफबना थादों। पुष्पा 2 सावथुना मोन्नै गाहाइ बान्था देरहादों, मोनसेआ साबसिन फावखुंगुर आरो गुबुन मोनसेया साबसिन फावखुंग्रिनि। जेराव आल्लु अर्जुन आरो

रश्मिका मन्डनाआ बे बान्थाखौ मोन्नो हादों। बिथोनगिरि सुकुमार आरो मिउजिसियान देबि श्री प्रसादआ साबसिन बिथोनगिरि आरो मिउजिसियाननि बान्थाबो मोन्दों। कल्कि 2898 एडिआबो बे हाबाफारियाव गावसिनि जायगाखौ गोखोडै आवग्रिदों आरो गासै मोनब्रै बान्थाफोर देरहादों, जेराव गोबाव सम नेनानै थानाय साबसिन सावथुननि बान्थायाबो दंफायो। एसआइआइएमए 2025 बान्थानि हाबाफारिया दुबाइथाव जादों। बे आफादखौ बानायगिरि बिष्णु वर्धन इन्दुरी आरो अदुसु मिल्लि बृन्दा प्रसादआ गायसन्दोंमोन, जाय आधिखालाव एसआइआइएमएनि आफादगिरि महरै सामलायना दड।

बेंगलनि सिनेमाहलफोराव 'दा बेंगल फाइल्स' सावथुनखौ दिन्थिनाय जायाखै

सावथुन दितागिरि भिबेक अग्निहत्रिनि गोदान सावथुन 'दा बेंगल फाइल्स' खौ शुक्र बारखालि बेंगलनि सिनेमाहलफोराव दिन्थिफुंनाय जायाखै। बिसोरो बेनि सिंनि जाहोनखौ राजखान्थि नारसिन्थाय आरो हुमखि हेदों होन्ना दाय जाबसिन्दों। अग्निहत्रिआ मोनसे पस्टआव बुडोदि, मोनसे समाव जेब्ला खन्थाइगिरि रबिन्द्रनाथ टैगरआ बेंगलखौ गिनायनिफ्राय रैखा मोन्नायनि सिमां नुदोंमोन। आधिखालाव बेंगलवा सरकारआ दासिमनि बयनिखुइ साहस गोनां सावथुन 'दा बेंगल फाइल्स' नि सायाव होबथादों। मिबथि होनाय जायोदि, 'दा बेंगल फाइल्स' सावथुनाव आगस्ट 1946 नि कलकाता



बुथारलुंनायखौ दिन्थियो। अग्निहत्रिआ बुंबावोदि, राइज्योआव माल्टिफ्लेक्स सिरिजफोरा खुंथाय पार्टिनि राजखान्थि नारसिन्थाय आरो हुमखिफोरनि जाहोनाव सावथुनखौ दिन्थिफुं'नो नेवसिगारदों। फावखुंग्रि-

बानायगिरि पल्लबि जशिआ हादतगिरि द्रौपदि मुमुनो गांसे लाइजाम लिरनायाव दाय जाबसिन्दोंदि, सिनेमाहल बिगोमाफोरा सावथुन बानायगिरिफोरखौ बुंडोदि, गावसोरखौ सिगि-सग' खालागासिनो दडआरो खुंथाय

पार्टिनि मावफारियाफोरनि हिंसाखौ गिनायजों सावथुन दिन्थिफुंनो नेवसिगासिनो दड। मिबथि होनाय जायोदि, कलकातानि गंसे हटेलाव 17 आगस्टखालि सावथुननि ट्रेलारखौ लन्व खालामनायखौ होबथानाय जादोंमोन।

दा- डेभिल वियर्स प्राडा हलिउड सावथुना एना उइनटरनि सायाव बिथा खालाम जानाय

फेसननि मुलुगयाव मोनसे ओरेबायदि मुं जायनि सिगाडाव गेदेर-गेदेर डिजाइनार्सफोराबो खर' गंगलायो, बियो जादों भर्गानि एडिटर्-इन-चिफ एना उइनटर। फेसन इन्डास्ट्रिआव जायगा आवग्रि नो हानाय एनानि बिफावखौ 2006 नि हलिउड सावथुन दा डेभिल वियर्स प्राडाआ मिरान्डा प्रिस्टलि महरै दिन्थाय जादोंमोन। एना-उइनटरनि मिरान्डा प्रिस्टलिनि बिफावखौ मुंदांखा हलिउड फावखुंग्रि मेरिल स्ट्रिपआ दिन्थिदोंमोन। बे सावथुना लरेन विसबगरेनि बे मुंनिनो बिजाबनि सायाव बिथा खालामनायमोन। बे सावथुनाव मिरान्डानि फावखौ सासे गोर, जेबो जिंगा सिनो रोडै आरो



गोखों बसनि महराव दिन्थिनाय जादोंमोन। आधिखालाव गोबाव बोसोर उनाव एनाआ बे सावथुन आरो गावनि बे फावनि सायाव बिबुंथि होदों। दा निउ यर्करजों लोगोसे बाश्चा सावराय लायनायाव एना उइनटरआ मिबथि होयोदि,

बिथाडा बे सावथुननि प्रिमियारआव प्राडानि आउटफिट गान्नानै फैदोंमोन। बिथाछा बुडे, 'प्रिमियारआव प्राडा गान्नानै थांदोंमोन, आं एसेबो हमदांनो हायाखैमोन। जे सावथुना मानि सोमोन्दै जागोन। आं सानोदि, फेसन

इन्डास्ट्रिआ बे सावथुनखौ लानानै आंनि थाखाय जोबोद जिंगा सिनानै दंमोन। मानोना बिसोरो आंखौ मोनसे गोब्राव थासारियाव दिन्थिनो नायगिरिदोंमोन। एना उइनटरआ सावथुनखौ कार्टुन बायदि होन्ना मिबथि होदोंमोन।

रासियाआ किभआव इन आरो मिसाइलजों गागलबदों

गोदान दिल्ली , 7 सेप्टेम्बर: रासिया आरो इउक्रेनि गेजेराव दावहाया लाश्रियै गरिंथाव महर लागासिनो दड। सुलुंनिफ्राइ मिथिनो मोननाय बादिल्ला रासियाआ इउक्रेनि राजथावनि किभआव फिन खेबसेबाव इन आरो मिसाइलजों गागलोबनायाव सानै सुबुंनि जिउ खहा जानाय खौरां मोननाय जादों। बे गागलोबनाय जाथायाव किभनि केबिनेट भवननि शाटआव उखुन्दै खुनाय नुनो मोन्दों। बबेखानि निउज एजेनसिनि बायदिल्ला, किभनि सहर खुंथायनि गाहाइ टाकारेंक आ इस्नायथिनाय बायदिल्ला थैनायनि गेजेराव सासे उन्दै गथसाबो दंफायो आरो गथसानि गोथै सहखौबो बोखांनयबो जाबाय। किभनि मेयर



बिदलि किल्लाकोआ बुंथिनाय बायदिल्ला, रासियाआ गावहरनाय इनआ स्वियातोशिनखि जिल्लानि मोनसे गागलोबनायाव सा 10 निबो बांसिन सुबुंफोरा जोखोम जादोंमोन।

